

PANSUPORTANG PABAHAY SA VANCOUVER

Pebrero 2021



Nagtutulungan ang BC Housing at ang Lungsod ng Vancouver upang matugunan ang mga kritikal na pangangailangan ng mga taong walang tirahan o nanganganib na mawalan ng tirahan sa Vancouver.

Mga bagong kumportable at ligtas na tahananang may suporta sa

East King Edward sa Knight Street

Nakakaranas ng krisis sa pabahay ang Vancouver at mahigit sa 2,000 tao sa buong lungsod ang walang tirahan. Patuloy na itinuturing na pangunahing priyoridad ng BC Housing at ng Lungsod ng Vancouver ang pagtatayo ng mga kumportable at ligtas na tahananang may suporta para sa mga taong walang tirahan o nanganganib na mawalan ng tirahan sa ating mga komunidad.

Aabutin ng 12 palapag ang bagong gusaling iminumungkahing itayo sa 1406 at 1410 East King Edward Avenue at mag-aalok ito ng humigit-kumulang 90 studio home na may mga suporta para sa mga nasa hustong gulang na walang asawa, nakatatanda, at mga taong may mga kapansanan na walang tirahan o nanganganib na mawalan ng tirahan sa lokal na komunidad.

- Ang lahat ng unit ay gagawing mga studio apartment na may sariling banyo at kusina
- Magagamit ang hindi bababa sa 5% ng mga bahay
- Magkakaroon din ng mga amenidad sa gusali gaya ng labahan, kainan, espasyo para sa programa, at isang underground na garaheng paradahan



Nakakatulong ang mga tahananang may suporta sa pagbuo ng ligtas at inklusibong komunidad para sa lahat.

Sa pamamagitan ng pagbibigay ng masisilungan sa mga tao, nababawasan ang bilang ng mga naghihikahos sa lansangan. Kapag pinili ng isang tao na tumira sa suportadong pabahay, magagawa na niyang:

- magkaroon ng kumportable at ligtas na lugar na matatawag niyang tahanan
- magkaroon ng access sa mga pangangailangan sa pamumuhay gaya ng pagkain, banyo, at labahan
- makapagsimulang bumuo ng bagong buhay na malayo sa mga panganib ng pamumuhay sa lansangan
- mapatibay ang kanyang koneksyon sa komunidad





Pagtulong sa mga taong nangangailangan

Hindi pare-pareho ang mga taong nanganganib na mawalan ng tirahan o ang mga taong walang tirahan. Sila ay maaaring mga kabataan, mga nakatatanda, mga taong may mga kapansanan, at sinumang nakaranas ng trauma, kahirapan, o may pinansyal na problema dahil sa mahal na pabahay. Nangangailangan ang bawat tao ng natatanging kumbinasyon ng mga serbisyo at programa upang masuportahan ang kanilang kalusugan at kagalingan.

Pansuportang Pabahay: Isang matibay na koneksyon sa mga programa at mga serbisyo

Nakikipagtulungan ang mga sinanay na manggagawa sa bawat residente upang makabuo ng pinasadyang plano para matugunan ang kanilang mga personal na layunin at layunin sa pabahay. Iniaalok ang ilang suporta sa loob ng gusali habang ang iba pa ay iniaalok sa lokal na komunidad.

Bukod pa sa pangangalaga sa mga residente, pananagutan din ng non-profit na operator ang pangangalaga sa gusali at sa kanilang mga ari-arian. Maraming non-profit ang nag-oorganisa ng mga 'Grupo sa Paglilinis' para sa neighborhood, kung saan hinihingi ang tulong ng mga residente para sa pangangalaga ng lugar.



Para sa karagdagang kaalaman tungkol sa Mga Benepisyo ng Pansuportang Pabahay sa Komunidad, bumisita sa:
www.bchousing.org/research-centre/library/community-acceptance/community-benefits-supportive-housing

Ang lahat ng mga programa ng pansuportang pabahay ay pinapangasiwaan ng mga non-profit na operator sa panbahay na nagbibigay ng karanasan sa propesyonal na pamamahala ng konstruksyon at kadalubhasaan na nagbibigay ng pinasadyang suporta na ginawa upang matugunan ang mga natatanging pangangailangan ng bawat residente.

Pinili ng lahat ng residente sa mga pansuportang pabahay na tumira roon, magbayad ng renta, at nagagawa nilang magamit ang mga suportang ibinibigay ng mga non-profit na operator sa pabahay, propesyonal sa pangangalagang pangkalusugan at iba pang programang nakabatay sa komunidad.

Kailangan ang pagtutulungan ng buong komunidad upang malutas ang problema sa kawalan ng tirahan

Ang kawalan ng tirahan ay isang kumplikadong hamon na nilulutas ng mga pamahalaan, mga grupo sa komunidad, at mga taong nagtutulungan.

Dahil sa pagkilala sa agarang pangangailangan sa pabahay, nagtutulungan ang Probinsya, sa pamamagitan ng BC Housing, ang Lungsod ng Vancouver at ang Pederal na Pamahalaan at lumagda ang mga ito ng Memorandum of Understanding na kumukumpirma sa kanilang iisang paninindigan sa paggawa ng mahigit 350 tahanan para sa mga taong walang tirahan.



Sa mga komunidad sa buong lungsod, nagsasagawa ng pagkilos ang mga tao para sa pagsalubong sa mga residente at para suportahan ang pansuportang pabahay.

Pag-unlad sa 1406 at 1410 East King Edward Avenue

Nakatuon ang BC Housing at ang Lungsod sa pagpapatupad ng aplikasyon para sa pag-rezone upang mapaunlad ang partikular na site na ito.

Sa pamamagitan ng proseso ng pagpapaunlad ng Lungsod ng Vancouver, nais naming makatanggap ng feedback mula sa komunidad tungkol sa mga sumusunod na aspeto ng proyekto, kabilang ang:

- Mga elemento sa disenyo ng gusali at ng site, gaya ng mga pailaw at landscaping
- Lokal na representasyon para sa Komite sa Pagpapayo ng Komunidad
- Mga ideya kaugnay ng pagsuporta sa tagumpay ng iminumungkahing gusali

Nag-aalok ang Komite sa Pagpapayo ng Komunidad ng oportunidad para sa pagtutulungan upang mapabilis ang pagbabahagi ng impormasyon at talakayan, at upang makabuo at makapagpanatili ng positibong ugnayan sa komunidad, sa mga operator ng gusali at mga kasosyo sa programa.

Tulad ng anupamang pagpapaunlad sa Vancouver, hindi ginagamit na batayan ang impormasyon tungkol sa mga maninirahan sa gusali sa hinaharap tulad ng kanilang lahi, kasarian, antas ng kita, mga pribadong pangangailangan sa pangangalagang pangkalusugan, o sekswal na oryentasyonsa pagpapasya ng Konseho ng Lungsod kaugnay ng pag-apruba sa isang site.

Makakapagbigay ang komunidad ng feedback tungkol sa iminumungkahing pabahay na ito sa pamamagitan ng pagbisita sa letstalkhousingbc.ca/vancouver-king-edward. Makakaugnayan din ang Tagapag-ugnay ng Komunidad sa: **604-829-9321**.

Mga Oportunidad para sa Opinyon ng Komunidad



Ang mga petsa sa timeline ay tinataya at maaaring magbago.

Pagpopondo

Nakatuon ang pamahalaan ng B.C., ang Lungsod ng Vancouver at ang CMHC sa pagpopondo tungo sa pagsusulong ng mga permanente at suportadong unit ng pabahay para sa mga taong nangangailangan sa Vancouver. Sa pamamagitan ng pagpopondo na ito, magagawa ng Probinsya at ng Lungsod ng Vancouver na matugunan ang mga kritikal at agarang pangangailangan ng mga tao na walang tirahan sa Vancouver.

Canada



Ang mga naisaling materyales ay mahahanap sa letstalkhousingbc.ca/vancouver-king-edward

Para sa impormasyon tungkol sa kung paano mag-apply para sa pagtira sa isang gusali ng suportadong pabahay, makipag-ugnayan sa **Orange Hall** sa **604-648-4270**, o pumunta nang personal sa **297 East Hastings Street**, Vancouver Lunes at Huwebes sa pagitan ng 10 a.m. at 4 p.m..

